



PHATLALATSO EA LIQETO TSA LEKHOTLA LA MATONA TSA PHUTHEHO EA LA BOBELI LA LA 05 MPHALANE, 2021

1. LEANO LA NAHA LA NTLAFATSO EA LIPAPALI LE BOITHAPOLLO (NATIONAL SPORTS AND RECREATION POLICY)

LEKHOTLA LA MATONA LE ANANETSE LEANO LA NAHA LA NTLAFATSO EA LIPAPALI LE MEKHOA EA BOITHAPOLLO, LE RERETSOENG HO TSAMAISA LE HO NTLAFATSA LIPAPALI LE MEKHOA EA BOITHAPOLLO KA HAR'A NAHA EA LESOTHO. KA LEANO LENA, NAHA EA LESOTHO E IPEHETSE MEOLOANE EO E LAKATSANG HO E FIHLELA HO TLOHA JOALE HO EA FIHLA SELEMONG SA 2030.

2. SEHLOMATHISO SA MOLAO OA LIKHETHO

LEKHOTLA LA MATONA LE ENTSE QETO EA HO LUMELLA LEKALA LA TOKA HO HLOMATHISA MOLAO OA LIKHETHO E LE HO FANA KA MONYETLA OA HO NTLAFATSA LENANE LA BAKHETHI. TSENA LI ETSOA E LE HO ITOKISETSA LIKHETHO TSA NAHA LE TSA PUSO EA LIBAKA SELEMONG SE TLANG.

3. HO LEFSHOA HOA LIHOAI TSA BOEA

LEKHOTLA LA MATONA LE FANE KA QETO EA HORE LIHOAI TSOHLE TSEO LITEFO TSA BONA LI SALETSENG MORAO KA HO HLOKA LIBUKANA TSA LIBANKENG (BANK ACCOUNTS), LI LEFUOE PELE HO LA 15 MPHALANE 2021 KE BANKA EA POSO (POST BANK), LITEFO TSENA LITLA LEFSHOA LIKIRING MOO LE LITSING TSA BANKA EA POSO KA MATSATSI A TLA PHATLALATSOA.

TSENA LI TLA ETSOA KA TS'EBELISANO LIPAKENG TSA LEKALA LA LICHELETE, LA TEMO LE KANETSO EA LIJO LE LEKALA LA KHOLISO EA LIKHOEBO TSE NYENYANE ESITA LE EONA BANKA EA POSO.

4. HO KETEKOA HA LETSATSI LA LEFATSE LA BOHLOEKI

LEKHOTLA LA MATONA LE ANANETSE HORE MUSO OA LESOTHO O KETEKE LETSATSI LA LEFATS'E LA BOHLOEKI LE NENG LE LOKELA HO TS'OAUOA KA KHOELI EA LOETSE 2021. LEKHOTLA MATONA LE ANANETSE HO KETEKA LETSATSI LENA KA HO HLOEKISA NAHA KA BOPHARA, 'ME LETS'OLO LENA LE TLA ETELLOA PELE KE NTATE MOTLOTLEHI RABASOTHO KA LETSATSI LE TLA PHATLALOATSOA SEMOLAO.

KHOTSO!

PULA!

NALA!